



漢書門			
類	號	函	架
〇	〇	二	〇
〇	〇	〇	〇
冊	架	函	號

內閣文庫			
類	號	冊	函
〇	〇	〇	〇
〇	〇	〇	〇
類	號	冊	函

內閣文庫	
番號	漢 13010
冊數	120 (89)
函號	301 64

幼斗登公館藏之

痘後餘毒證治

萬凡痘瘡輕者其本疎其毒微其證順自然身屬無
餘毒也重者其本密其毒盛其證險自難出難屬有
餘毒也逆者或伏或倒陷或倒壓幸脾胃素強調治
又早不至大困亦作餘毒錢氏云其病有二一者疥
二者癰二者目赤以證求之尚不止此亦有出已盡
發已透屬已齊者復作餘毒此由溫補之過飲食之
失而得之故治痘後餘毒或補或發散或解利要在
分表裏論虛實不可一槩妄投湯劑也

海癰瘡餘毒或肝虛入眼目或肺虛為癬疥或為癰

癰發在骨節腎之虛也發在肌肉脾之虛也或在筋
 或在頭或在面或牙齒疳蝕或咽喉腫痛各隨經而
 見皆毒不散蘊積而成或病人始不早治或醫者失
 治遺於經絡其所由來蓋有自矣宜服解毒等劑
 世痘毒攻脾則泄瀉身浮攻肝則眼生翳膜攻心則
 煩躁啼哭攻腎則耳疼膿聚攻肺則咳嗽痰涎
 潔若已發後有餘毒未散復有身熱瘡腫之類當茶
 粉下解毒丸
 冊治小兒痘瘡餘毒未散食穀太早補住毒氣
 鼠粘子陸錢 甘草伍分 犀角

白木各參二錢 荆芥 防風
 枳殼各壹錢 水煎溫服 治餘毒
 活血解毒湯

防風 荆芥 生地黃
 赤芍藥 當歸 連翹
 牛蒡子 黃連 紫草
 甘草 蒼朮 薄荷
 川芎 木通
 各等分水煎服

痘毒飲食

方科六

百七

瘡癤 此由毒氣留藏經絡故於肌肉虛處或關節動搖處紅腫而成瘡又或既平之後失於解利餘毒大盛外不得洩於皮膚內不得入於臟腑聚而不遂遂為之瘡如毒氣淺者止生結核腫毒瘡癤而已甚者至頭項胷手足肢節盡焮腫作痛但發一二處或根淺者可治若流注起伏根深蔓引者小則潰筋脫骨必為殘廢之疾甚則綿延日久而死 丹痘瘡多是實毒血熱成瘡分上下用藥一日不可緩成膿必用清熱涼血為主赤芍藥甘草節連翹桔梗之類上引用升麻葛根下引用檳榔牛膝更助以貝母忍冬

草白芷瓜萸大便燥用大黃寒熱用芩檗此法累效
[醒]前證初起未成膿者用活命飲隔蒜灸治而消之欲成膿者用活命飲解而潰之氣血虛者八珍湯
虛羸 實而潰之虛而不能斂者托裏散補而斂之木凡發熱腫痛大便不結用仙方活命飲及隔蒜灸法大便祕結用仙方活命飲加大黃大便已通腫痛未退再用活命飲一服用托裏散補其元氣若發熱倦怠大便調和用補中益氣湯 虛熱未應亦用隔蒜灸若潰而發熱口乾肢體倦怠用東垣聖愈湯膿水淋漓不時發熱用四君參耆若因乳母肝經血虛發熱

用加味小柴胡湯發熱肝脾鬱怒發熱用加味歸脾湯驚悸膏梁厚味積熱用加味清胃散齒如專與涼血用敗毒等藥復傷元氣必致成者不能潰潰者不能斂矣 團凡治痘瘡先看何經絡分氣血多少用引經藥如太陽經羌活防風陽明經升麻白芷少陽經柴胡少陰經獨活太陰經防風厥陰柴胡若初紅腫硬痛者以鍼刺之口吮去惡血以拔毒膏敷貼氣實能食大便堅者用排毒散疎利之氣虛食少者用十宣散或流氣飲毒淺而小者只內服小柴胡加生地黃湯外用拔毒膏貼之此治腫瘍之法也若

若已成膿而未潰者以鉞鍼決去其膿勿使內潰已潰者用十全大補湯汗主之此治潰瘍之法也仙方活命飲 治疔疔痘毒及一切瘡毒未成即潰已成即潰此消毒敗膿止痛之聖藥

- 金銀花 陳皮各錢 皂角刺炒
- 穿山甲用蛤粉炒 乳香 沒藥
- 白芷 防風 當歸各壹錢
- 貝母 天花粉 甘草節各柒分

右每服五錢酒煎嬰兒母同服為末酒調服亦可若勢甚而邪在表者加麻黃散之而毒在內者加

大黃下之當臨證制宜此解回生起死之劑但元氣脫者不治

人參敗毒散 治餘毒癰腫

人參 赤茯苓

獨活 前胡 羌活 薄荷

柴胡 枳殼 川芎

桔梗各等分 甘草減半 牛蒡子

防風 荆芥 連翹

金銀花即荆防敗毒散

頭上加白芷升麻 上身倍加桔梗 手加薄荷

腰加杜仲 腿足加牛膝木瓜

樺皮散 治痘瘡及乳癰并一切腫毒

樺皮木剉煎溫服此藥味苦平無毒 若治乳癰

取樺皮燒存性為末酒調服之立消

十三味敗毒散 治癰毒

當歸 白芷 穿山甲土炒

金銀花 防風 乳香製

甘草 陳皮 赤芍藥

皂角刺 貝母 沒藥製

天花粉 芍藥

各等分酒水各半煎服

圍排毒散見收

保命集木香散 治小兒癩後生瘡如神

地骨皮 壹兩 木瓜 半兩 穿山甲 炙黃參 錢半

麝香 壹字

右為末米飲下貳錢

流氣飲

川芎 當歸稍 白芍藥

防風 人參 紫蘇葉

木香 甘草節 黃耆

柱心 桔槔 雞心檳榔

白芷 厚朴 烏藥

枳殼 各肆分

右剉細水一盞煎七分服氣血虛而自利者加熟

附子大便實加大黃

小柴胡加生地黃湯

柴胡 人參 黃芩 各參兩

甘草 炙 生地黃 半夏 各貳兩湯 泡七次

右為麤末每服三錢水一盞生薑三片棗一枚煎

至半盞去香溫服

豆卷 餘毒

刀針

五九

六味活血散 治癰疽瘡痛初起紅腫不散

當歸 川芎 赤芍藥

生地黃 紅花 蘇木各等分

右水煎量服之

五福化毒丹 治痘毒實熱腫痛

生地黃 熟地黃 天門冬去心

麥門冬去心 玄參各貳兩 甘草

甜硝各叁兩 青黛壹兩伍錢

右為末蜜丸芩實大每服一丸白湯化下

犀角消毒丸 治痘疹餘毒一切瘡毒

生地黃 荆芥 當歸 牛蒡子并炒

犀角屑 防風 連翹 桔梗各柒錢

赤芍藥 黃芩 甘草

薄荷 右為末蜜丸芩實大每服一丸白湯化下

按化毒丹降火涼血解毒寒中之劑消毒丸清熱

解毒破血之劑蓋小兒臟腑脆嫩元氣易傷况痘

後氣血皆虛豈能勝當此劑若胃氣一傷則未成

者不能消散已成者不能腐潰已潰者不能生肌

殊不知痘瘡乃臟腑所發遍身之血皆化為膿况

此方愈而患此乃脾胃虛怯肌肉消弱榮衛短瀆
所致治者審之

虛十宣散見形

托裏散 治痘毒元氣虛弱不能潰散未成用之自
消已成用之自潰

人參

黃耆炒各貳錢

當歸酒洗

白朮

陳皮

熟地黃

茯苓

芍藥炒各壹錢伍分

甘草炙伍分

右三五錢水煎服

托裏消毒散 治痘毒氣血虛弱不起發腐潰收斂

或發寒熱肌肉不生

人參

黃耆

當歸酒洗

川芎

芍藥炒

白朮

陳皮

茯苓各壹錢

金銀花

連翹

白芷各柒分

甘草伍分

右每服三五錢水煎

東垣聖愈湯 治膿潰心煩無寐體倦少食

熟地黃自製者佳

生地黃各貳分

人參

川芎各叁分

當歸

黃耆各伍分

右水煎服

濟生歸脾湯 治脾血虛損健忘驚悸或心氣虛不能攝血歸源以致妄行或吐血下血或因乳母心脾二經有熱瘡不結痂或瘡痕赤色加柴胡山梔即加味歸脾湯

人參

白茯苓

黃耆

白朮

龍眼肉

當歸

遠志

酸棗仁炒各

木香壹錢

甘草伍分

當歸身壹錢

右薑棗水煎母子同服

丹溪痘瘡敷藥用貝母南星殭蠶天花粉寒水石白

芷草烏大黃豬牙皂角醋調敷患處效拔毒膏一名必勝膏

馬齒莧并汁

豬膏脂

石蜜

右以三味共熬為膏塗腫處

神効隔蒜灸法 治痘瘡大痛或麻木痛者灸至不痛不痛者灸至痛其毒隨火散用大蒜頭切二分厚安上用小艾炷於蒜上灸之每五壯易蒜再灸痛不止尤宜多灸小兒須將蒜切片著肉一面略剝小空灼艾燃蒜先置大人臂上試其冷熱得宜然後著瘡上又別灼如前法試之以待相易勿令

痘瘡餘毒 刀針

歌

替鍼丸 治痘瘡膿已成不潰

陳壞米 壹錢 硃砂 伍錢

雀糞直者是也

雄雀糞 肆拾玖粒 真雄

右為末米粥丸如麥粒大每用一粒粘瘡頭上以膏藥貼之半晌其膿自出若瘡頭透而膿不出或出而愈痛或發熱血氣虛也用托裏散或作嘔吐痰食少體倦脾氣虛也用六君子湯

玄參

白芷

當歸

神效太乙膏 治一切瘡疽潰爛

肉桂

赤芍藥

大黃

生地黃 各壹兩

右咬咀用麻油肆拾兩入銅鍋內煎至藥黑濾去渣徐入淨黃丹壹觔再煎滴水成珠捏軟硬得中即成膏矣

神效當歸膏 治痘毒浸淫或湯火等證及瘡腐不能生肌收斂者

當歸

黃蠟

生地黃 各壹兩

麻油 陸兩

先將當歸地黃入油煎去渣入蠟熔化候溫攪勻

卽成膏矣

豆豉餅治瘡瘍腫痛或硬而不潰及潰而不斂并一切頑瘡毒癰用江西豆豉為末唾津和成餅大如銅錢厚如三四錢置患處以艾鋪餅上灸之未成卽消已成者祛逐餘毒間有不效者乃氣血虛敗之證參疔瘡論灸法用之

如聖餅治一切瘡瘍硬腫不能消散或毒不能解散

乳香

沒藥

木香

血竭

當歸等分

麝香少許

右各另為末酒糊和為餅炙熟頻灸患處惡瘡加蟾酥等分

神功散治瘡瘍初起腫痛者用之可消加血竭更効

黃蘗炒為末

草烏生為末

右用漱口水調敷常以漱水潤之

三荳散痘後癩毒初起紅腫

黑豆

赤豆

菘豆

用醋浸研漿時時以鷲翎刷上隨手可消

鐵箍散治痘後癩毒

痘毒餘毒

刀針

重

鳳凰退燒灰醋調圍四畔留頭出毒氣甚佳

瘡疥痘後遍身瘡癬如疥如癩膿血浸淫皮膚潰爛

日久不愈此毒氣彌漫散於皮膚宜升麻葛根湯

熱防風解毒湯大法苦參丸痘癩主之若因搗搗成

瘡者只以百花膏收磨塗之

連翹散治小兒瘡疹癩痘疹餘毒作楚或生於頭

面耳疼頰赤生瘡

連翹 黃芩 瞿麥

木通 滑石 柴胡

荆芥 牛蒡子 防風

羌活 赤芍藥 甘草各等分

每服三錢水一盞煎半盞又入生薄荷尤好

金花散見潰爛

痘後疔蝕瘡者毒壅肌肉內透筋骨外連皮膚

時痛出血日久不痊亦惡候也內服十全大補湯

外以綿蠶散貼之收更與收磨門疔蝕條參看

三黃散治疔熱生瘡膿水浸淫膿流處便濕爛

松香 五倍子 黃連

黃丹 海螵蛸各壹錢 輕粉

雄黃各半錢

右為未用瑩肌散煎洗滲之乾者香油傳

癩疹癩者皮膚間隱隱成疔瘡瘙癢爬搔更多內服

解毒防風湯大法外以篦衣湯洗之疹者皮間點

點狀如蚊蚤所咬之迹或如小芥子即麻子也升麻

葛根湯初熟加防風荆芥穗主之熟甚渴者與人參

白虎湯相合服之

篦衣湯

炊飯篦衣煮水洗癩起疔瘡者神效如無以炊篦

煮湯亦好

蜆子水 治疔後發癩

蜆子不拘多少活者以水養五七日旋取其水洗之

丹瘤赤火丹瘤此惡候也流移紅腫其痛手不可近

從頭上起者過心即死從足下起者過腎即死宜內

服小柴胡加生地黃湯玄參化毒湯外用蜆鉞法吮

去惡血自消若但紅不腫不痛者瘡也人參白虎

湯加玄參大青生地黃主之

玄參化毒湯

玄參

當歸尾

赤芍藥

石膏

連翹

生地黃

痘疹

地骨皮

紅花 酒洗

防風

荆芥穗

淡竹葉

木通

右水煎服

犀角消毒散

治癩疹丹毒發熱痛癢及瘡疹等證

牛蒡子

甘草

荆芥

防風 各分

犀角 鈔貳分

金銀花 叁分

右水煎熟入犀角傾出服

加味解毒散

治癩疹癢痛寒熱甚者煩躁譫語并

痘毒發熱咽乾

犀角 鈔伍錢

連翹 炒貳錢

牛蒡子 炒叁錢

薄荷 壹錢

甘草 伍分

右為末每服一二錢滾湯調下

小柴胡加生地黃湯 見前瘡癩

蟬蛻法

取水蛭大者五六條放腫處吮去惡血可以消丹

瘤決瘰癧

眼目 萬痘瘡毒氣之為目翳也蓋自臟而達外治之

之法但活血解毒而已活血不至於熱解毒不至於

冷五臟平和則翳當自去不可輕用點藥反致損睛

宜蟬蛻散 痘眼 四物湯加柴胡主之 若目閉淚出

痘疹餘毒

刀針六

新法

不敢見明者此羞明證也惟於黑暗處則能開纔見明則陽光爍之淚自泣出癢澀難開宜洗肝明目散痘眼便秘者瀉青丸肝或能開目只視物昏者此血不足也四物湯加蜜蒙花目中赤者洗肝明目散主之從子懋銀痘後兩目生翳羞明特甚時余與家兄從宜興試歸視之則窓牖帷幙皆以衣被重重覆蔽就明展兩睥白膜已遍覆黑睛淚如湧泉嬰科眼科投藥不效束手告技窮矣余亦莫知爲計家兄曰女弟垂死之證弟能生之豈遂技窮於是試精思之余返書室閉戶而思目者清陽之所走也而忽焉有

翳膜是濁陰犯之也濁陰烏敢與陽光敵故羞明特甚爾吾得治法矣乃以黃耆助清陽之氣爲君生地黃當歸養目中真血爲臣羌活獨活防風白芷川芎甘菊花薄荷荆芥升清陽黃芩豬膽汁車前子茯苓降濁陰爲佐雄豬肝作引煎服仍間服瀉青丸八劑而目開徹幙膜已去矣時眼科所進點洗之藥一切屏不用止用橄欖核磨汁敷眼胞而已蓋嬰兒柔脆點洗之藥必有所傷故也治法方論詳大科眼目門并本門眼目條內

涼肝明目散 痘後羞明

痘後羞明

痘後羞明

痘後羞明

當歸

龍膽草

蜜蒙花

川芎

柴胡

防風

酒連

各等分雄豬肝煮湯煎服

望月沙散 痘後暗室中不能開者

穀精草

蜜蒙花 酒洗

蟬蛻 去翅足 各伍錢

望月沙 壹兩

右為末雄豬肝壹兩竹刀批破用藥一錢摻入肝

內水煮熟飲汁食肝效

羌菊散 治痘疹後毒氣不散生翳障及暴赤眼

羌活

蟬退 去土

防風

蛇退

菊花

穀精草

木賊

甘草

梔子

白蒺藜

大黃

黃連 各少許

右為末每一錢米湯泔水溫服

便秘痘後毒入腹中熱氣併於小腸則小便不通併

於大腸則大便不通如前後部俱不通者熱勢愈甚

小便不通者五苓散 驚導赤散 大便不通者三黃

丸四順飲 並發熱 三乙承氣湯 大小便俱不通者八正

散通關散 並痘 斟酌用之

宜倉餘毒

切斗六

直乾

痘疹

卷之六

痘疹

泄瀉痘後泄瀉其證有二 如能食而渴脉盛者此
 熱入大腸也渴者內熱也食能多者熱消穀也脉盛
 而數熱證諦也宜黃芩湯痘泄利加黃連 如食少不
 渴脉微小者此裏氣虛不能禁固水穀也宜四君子
 湯加訶子肉豆蔻或理中湯丸加熟附子甚者以肉
 豆蔻丸止之俱痘泄利

便膿血痘後便膿血者此熱毒入大腸也宜四物湯
失血加黃芩黃連枳殼荆芥穗或黃連解毒湯煩躁
 加生地黃 勿作倒靨及用劫澀藥也

嘔吐胃主納而不出大小腸主出而不納痘後嘔吐

者是餘毒在胃也然有冷熱二證 如心煩作渴食
 乳甚急聚滿胃中然後吐出如射其人面色帶赤手
 足心熱居處喜涼此熱吐也橘皮湯痘吐逆加黃連竹
 茹主之 如乳食水漿隨吐面色青白手足冷大小
 便自利此冷吐也益黃散脾主之 痘後餘毒多是
 熱邪其間冷證十有一二也 亦有傷食而嘔者但
 聞食臭即吐不欲食木香大安丸或養脾丸並用生
 薑湯下 有飲水多而吐者必吐清水名水逆五苓
 散主之

木香大安丸

痘疹餘毒

卷之六

痘疹

痲疹

木香 貳錢

白朮 各參錢

萊菔子 炒

麥蘖 炒

神麴 糊為丸

陳廩米湯下

黃連

枳實

連翹

砂仁 各壹錢 伍分

神麴 炒

陳皮

山查肉

神麴 炒

人參

川芎 各壹錢半

黃連

山查肉

白朮

木香

陳皮 各壹錢

神麴 炒

當歸

青皮

砂仁

麥芽 各伍分

右為細末水調神麴糊丸如麻子大每服三五十丸陳倉米飲下

發熱痘瘡自初以來一向發熱至於差後猶不少減者此有虛實二證如大便難小便赤能食而煩渴者此實熱也以三黃丸或四順飲並發先解利裏熱後用升麻葛根湯初熱加地骨皮解表熱也蓋升麻葛根湯治瘡疹未發之先已發之後身熱藥也如大便不祕小便不赤坐立振搖飲食不甚進者此虛熱也以保元湯大法加知母麥門冬虛甚者加炒乾薑或熟附子少許引火歸源薛陳文宿先生云痘

痘疹餘毒

刀針

百生

瘡收靨之後，渾身經日不除，別無他證，用柴胡麥門冬散，如不退，服人參白朮散。痘渴若風熱咳嗽咽喉，不利用桔梗甘草防風湯。竊謂前證有因熱毒未解者，有因胃氣虛熱者，有因胃氣實熱者，其因不能枚舉，當臨證制宜而藥之。一、小兒咽痛壯熱，痘痕色赤，手微熱，此餘毒未解，用柴胡麥門冬散而安。七日之後復熱，手指初捏似熱，久捏則冷，此脾氣虛也，用五味異功散而痊。一、小兒痘咽痛大便不實，口渴，飲湯手足不熱，此脾胃虛弱也，用人參白朮散而大便實，但不時寒熱，用加味逍遙散而愈。一、小兒痘

咽痛發熱作渴，面赤飲冷，此胃經實熱也，用射干鼠粘子湯而愈。因食厚味復發，手足並熱，用瀉黃散一劑而痊。一、小兒痘咽痛發熱，飲冷太便黃色，手足指熱，此脾胃實熱也，用瀉黃清胃三散各一劑而愈。後因乳母食厚味，兒口角流涎不能吮乳，仍用前藥治母而愈。一、小兒痘咽痛足熱，余謂此稟足三陰虛而無根之火上炎也。古人有云：痘歸腎經，必不可救。當用壯水之劑，亦有生者。奈彼不悟，翌日果腰痛咽啞，始信余言。乃用大劑地黃丸料，加五味子并補中益氣湯而愈。一、男子出痘上體甚熱，兩足俱冷。

喉痛作渴瘡亦不起發此稟腎經虛熱也以六味地黃丸料煎與恣飲漸愈又用八珍湯而痊一小兒面色素白出痘咽痛發熱面赤作渴飲湯手足指冷此稟足三陰虛也用太劑加減八味丸料煎與恣飲又以益氣湯助其脾肺以滋化源痛止熱退而愈柴胡麥門冬散治發熱柴胡梔子散治肝膽經有熱瘡毒不愈或發熱不正

柴胡

山梔

牡丹皮各壹錢

川芎

芍藥

茯苓各柒分

白朮炒

甘草各伍分

當歸

牛蒡子炒各柒分

右水煎母子同服

小柴胡湯 治發熱甚而嘔者宜服之

柴胡

人參

黃芩各叁兩

甘草炙

半夏各貳兩半 湯泡七次

右為麤末每服三錢水一盞生薑三片棗子一枚同煎至半盞去滓溫服咳嗽者加五味子煎服頭痛發熱肢節疼痛者四味升麻湯大便不通者四順飲若大便自利黃黑色者此毒亦有所出不必

廣與湯劑恐重增他病大便自然通不得以溫藥助之瘡疹亦稀少自快利只與四味升麻湯荆芥散雖太便利不可以溫藥助之其下利甚者却與少溫之

槐花散 治癩瘡餘熱不退

槐花

赤小豆

各炒 貳錢

麝香

少許

右為細末每服半錢蜜湯調服不拘時候

黃耆散 治壯熱不退可涼肌膚散熱

黃耆

柴胡

乾葛

甘草 各等分

右為末每服一錢薄荷三葉水半盞煎至三分約三呷空心服此藥治發熱數日未退者其熱是瘡疹者量其虛實用之也

中風痘後忽然口噤涎潮角弓反張手足瘳癱身青黑色此中風也瘡痘方愈榮衛正弱不知避忌忽遇節令氣交八方不正之氣乘虛而入故為此證宜消風散貳錢入蟬蛻末壹錢分為三服投生薑薄荷汁及酒各數點溫湯浸之連二三服或作癩疹或再出瘡疹而愈

消風散 見痘中風

釣藤湯 痘後口噤僵直透臍腹痛

釣藤

紅花

木香

川芎

當歸

白芍

甘草

白朮

青皮

黃連

官桂

生薑

各等分水煎不拘時服

骨節作痛

俗名痘風丹溪分氣血虛實以日子守之

多帶氣血不足 虛則黃耆生血之劑助之略佐以

風藥 實則白芍藥黃芩為君連翹白芷續斷之類

為佐 若屬虛寒陳氏方可用 餘詳痘中風門

拘攣

痘後手足拘攣屈伸不便起居艱苦者乃血耗

氣虛不能榮養於筋宜十全大補湯去地黃白茯苓

加川續斷多服乃佳氣虛者少加川烏炮過行經不

可誤作風治妄行發散反耗陰血也

當歸桂枝湯 治痘後手足不能屈伸

當歸

川芎

黃耆

甘草

薄桂

黃蘗

蒼朮 炒

各等分水煎 如氣虛少加川烏以行經加入參

為主 如感風寒以致骨節疼痛加羌活防風

昏昧妄言痘後昏昧不解識人口中常妄言如邪祟
狀此移熱入心包絡宜導赤散心吞安神丸痘謹待
醒後以保元湯加麥門冬生地黃四物湯加石菖蒲
木通山梔子仁相間服之若卒然昏昏喜睡狀如
眩暈身無熱口中無妄語其人痘出必重又乳食少
今毒氣已解正氣未復故邪退而喜睡乃否極泰來
之象不須妄治逡巡甦醒矣

厥逆手足厥冷蓋覆不溫此痘疹逆候也若在正盛
之時十無一生今病已愈氣血久虛脾胃大困其厥
逆宜矣用保元湯加當歸身熟附子主之

咳嗽咳嗽頻頻涕唾稠粘此痘疹常證也有寒有熱
有虛有實不可拘泥一定之法如自初出咳嗽到
今未愈者此肺中餘邪未盡也宜甘桔湯咽喉合瀉
白散肺加牛蒡子馬兜鈴主之如咳而熱大便難
小便赤者此熱毒也宜葶藶丸主之喘大便潤者
人參白虎湯痘渴合甘桔湯主之如咳而大便溏
小便清無大熱渴者此虛也宜人參清膈散主之咳
嗽如咳而血出者甘桔湯加牛蒡子茅根汁阿膠
主之喘如向不咳今始咳者此風寒外感也麻黃湯
主之喘

痘疹餘毒

勿十六

痘疹

燈心湯 治瘡痘出後煩喘小便不利者宜進之

燈心 壹把

鼈甲 醋煮黃貳兩

右劉為散每服一兩用水八合煎取四分服之各量大小加減

脇痛

咳嗽之時脇痛者經云左右者陰陽之道路左右兩脇之謂也由餘毒在中陰陽之氣不能升降故脇為之疼也但當解毒毒氣去則真氣行所苦自平矣小柴胡加枳桔湯主之

赤茯苓湯 治小兒疹痘瘡出後咳逆脇痛不下食

赤茯苓

甘草 炙

大青

升麻

枳殼 炒各半兩

梔子 壹分

右為麤末每服一錢水一小盞入苦竹葉七片豆豉三十粒同煎至五分盞去滓分為三服日三四服看兒大小以意加減本方稱疹痘出後脇痛者由病後毒氣溷亂阻於升降左右為陰陽之道路氣之所行處令氣滯為脇痛以枳殼寬腸下氣令氣順脇不痛也大青梔子去蘊熱升麻解毒赤茯苓導心火利小腸無熱以克肺氣而欬逆自平爾腹痛瘡疹未出而腹痛者乃毒內攻也今毒已解無復壅遏矣而腹中痛者其證有二一則因大便

未通燥屎作痛備急丸主之大便閉一則因食過多

胃虛不能消穀而作痛如便秘者丁香脾積丸傷食

便利者木香大安丸傷食去之但燥屎痛者病在

下焦傷食痛者病在上焦手不可按若原食少又便

常潤忽爾作痛者此虛寒證也病在中焦必喜用羊

按摩黃耆建中湯主之

渴痘家作渴亦是常事至痘後則不宜有渴乃忽然

渴而引飲者餘毒留於心胃膈焦咽燥故也其人必

能食太便秘小便赤舌燥咽乾宜人參白虎湯加黃

連主之若食少大小便自調雖好飲湯咽舌不燥

此脾胃虛津液不足也宜人參白朮散不愈人參麥

門冬散加天花粉主之並痘渴

失音痘後失音有二一咽痛不能言者此毒氣結於

咽喉之間痰壅作痛而不能言天花散主之音失

心熱不能言者心中邪熱未徹腎虛不能上接於陽

雖有聲而不能言四物湯去川芎加麥門冬白茯苓

主之

不喜食痘後邪氣盡退正氣將復脾胃略紆宜漸能

食也若原不食今因喜食太過或原能食今又驟加

以致惡食不食者此皆內傷有餘證也宜木香大安

散

丸主之傷食如向未食今又不喜食者此脾胃中氣

不足宜七珍散能食或人參白朮散去葛根加陳皮

木香研末取貳兩另用糯米綠豆各貳兩各炒熟研

末相和棗湯調服稍能食更兼進養脾丸

寒熱痘後忽發寒熱如瘧狀至後如期即發者此脾

虛氣弱失於將息重感風寒宜先以柴葛桂枝湯發

去新受表邪後以保元湯加當歸陳皮白朮砂仁烏

梅生薑調之

大和散 治瘡痘後寒熱往來嗜卧頓悶躁亂

生地黃

當歸

地骨皮

人參

甘草炙

白芍藥各等分

右吹咀每服一錢水半盞煎至三分去渣溫服

柴葛桂枝湯見初熱

腫脹痘後面自虛浮或久則一身皆腫者此表氣不

足出風太早風邪乘虛而入其治在肺宜五皮湯先

加桂枝微汗之後只服本方若偏身皆腫以胃苓湯

合五皮湯主之

痘後腹虛腫脹滿或氣喘麤者此宿垢在裏不問餘

毒食積畜水並先利之宜塌氣丸利後以胃苓湯去

甘草加入人參黃耆大腹皮調之其治在脾如因新食

痘疹 卷之六

作脹不腫者只木香大安丸

五皮湯

桑白皮

地骨皮

生薑皮

大腹皮

五加皮各生

右剉細取長流水一盞燈心十二莖煎七分温服

塌氣丸

木香半兩

雞心檳榔壹雙白者

黑牽牛

貳兩半生半炒取頭末壹兩

共為末神麩糊為丸如黍米大薑湯下

胃苓湯

豬苓

澤瀉

白朮

白茯苓

蒼朮

厚朴紫油者薑汁炒

陳皮

桂心

甘草

右剉細水一盞煎七分去渣温服無時

自汗盜汗痘後自汗盜汗皆衛氣弱榮血熱肌肉虛

也宜保元湯大法當歸六黃湯相間並調敗蒲散服

之如汗出盛再用温粉撲之方並見若渾身如水髮

潤如油汗出如珠者皆亡陽證死不治

失血痘後失血證乃餘毒邪熱迫血妄行也白鼻

出者玄參地黃湯主之失血外用梔子炒焦黑研末

痘疹 卷之六

卷之六

百字

吹之 自溺出者八正散主之不利 自大便出者

桃仁承氣湯主之 此與上自汗證同為熱也 是

熱在衛故汗出 此是熱在榮故血出 二證大便秘者

並與四順清涼散主之熱發

桃仁承氣湯

桃仁貳拾壹箇去皮

官桂

紅花各壹錢

甘草半錢

大黃貳錢

右三味剉細水一盞煎七分去渣入桃仁泥化開

食前服

吐利蛇痘後或吐蛇或利下蛇者皆熱毒入裏也熱

在胃則吐蛇熱在腸則利下蛇利者黃芩湯泄利加

桃仁艾葉吐者黃芩半夏湯吐利加烏梅川椒若不

吐利但聞食即吐蛇者此胃久虛蟲無所食故聞食

臭即吐食已易饑宜理中湯吐利加烏梅肉黃連

川椒主之

袁氏治痘尿蟲歌曰痘裏尿蟲胃氣離人參白朮與

陳皮茯苓甘草當歸併煎來連服白蟲除

蓮肉湯

蓮肉去心半斤 豬肉去油皮壹斤 共水煮熟下砂仁伏醬朝夕與啖其胃氣接養蟲

宜食餘毒

勿食

百

自安居不出矣切不宜投以史君子檳榔之物痘
中一投命遂喪矣

狐惑痘後吐蛇而手足厥冷者蛇厥若不吐利內蝕
臟腑者為狐惑狐惑之證其人好睡默默不欲食上
唇有瘡蟲蝕其肛下唇有瘡蟲蝕其臟其聲啞嘔上
下不定故名狐惑也此候最惡麻疹後尤多化蠱丸
主之如大便結者以桃仁承氣湯加槐子利之
化蠱丸

黃連半兩

蜀椒去閉白者炒

苦楝根白皮乾者

貳錢

右共研末用烏梅肥者七箇艾湯浸去核搗爛和

丸艾湯下

黃連陰蠱丸 治狐惑瘡

黃連貳錢

蘆薈

乾蟾煨各壹錢

史君子肉貳錢

蕪荑貳錢五分

川楝子肉壹錢

右末烏梅洗淨去核搗膏丸米飲下

牙疳痘後牙齒齦肉潰爛者此痘疔脫去涎水浸漬
為疳蝕瘡用綿蜜散收膿傳之若氣臭血出者又
名走馬疳瘡內以黃連解毒湯煩服加雄黃為丸竹
葉湯下外以馬鳴散傳之或口舌生瘡者並宜洗

心散 已上諸證大便秘者並用四順飲利之大便
潤者用甘露飲服之老茶葉薤葉根煎湯洗以白蘊
即酸梅也燒灰人中白火煨加入雄黃散傳之
洗心散

當歸

生地黄

木通

黃連

麻黃

大黃

酒洗

薄荷葉 各等分

右剉細水一盞加燈心為引煎七分去香溫服

甘露飲 牙疳暫用

麥門冬

去心 壹錢

天門冬

去心 貳錢

生地黄

肆分

熟地黄

陸分

石斛

去根

枇杷葉

各伍分

山茵陳

枳殼

黃芩

犀角屑

各陸分

甘草

壹字

水煎服

雄黃散

雄黃

枯礬

各壹錢

麝香

壹分半

人中白

伍分

共為末吹入鼻中如吹不入用麻油潤使進

馬鳴散

人中白

即溺缸底白塗以物刮取用新瓦盛之火煨過加白鹽乃佳半兩

豆豉餘諸

刀針

馬鳴退

即鷲退紙也火燒過貳錢半

五倍子

生壹錢另用壹

錢同

白礬

壹錢掇碎另取五倍子壹錢入礬於內用火煨枯

共為極細末先以米泔濃汁浸洗以此傅之

人中白散

人中白煨壹兩

黃礬炒黑參錢

右為末搽口內

吹口散治口疳

黃連

青黛

孩兒茶

冰片

為末吹之

赴筵散治口瘡神效

薄荷

黃礬

等分為末入青黛少許搽之

牙疳方

痘後餘毒攻牙齦疳腐

內宜服甘露飲

人中白

煨參錢

枯礬

貳錢

鹽梅

朱箇煨存性

麝香

壹分

白礬子灰

壹錢

五穀蟲

焙乾貳錢

為細末先將葱茶洗去腐肉須見鮮血然後搽藥

大抵瘡痘之後遇有便秘內熱等證須當解利勿使

餘毒變生諸證也解利之劑如三黃丸四順飲

之類若失於解利致生諸證須當用切中病源之藥

以急治之不可緩治令病勢滋蔓及害人也今人不

能究其病因一槩用不急之藥其意但欲逃差謬爾
何嘗實能究其致病之由而藥之耶急治之中惟在
識其虛實苟真受既實榮衛充壯病後有熱者即與
解利緩治不可也所稟怯弱病後榮衛大虛坐立振
搖飲食少者却宜和緩之藥以扶持之候其飲食如
故榮衛既充然後微微解利未為遲晚或至虛之人
不必解利可也

水痘

小兒痘瘡有正痘與水痘之不同新安張季明云其
瘡皮不薄如赤根白頭漸漸赤腫而有膿差遲者謂
之太痘此裏證發於臟也其瘡皮薄如水泡破即易
乾而出無漸次白色或淡紅泠泠有水漿者謂之水
痘此表證發於腑也亦與疹子同又輕於疹發熱一
二日而出出而即消易出易靨不宜燥溫但用輕劑
解之麥湯散主之羌活散消毒飲麥煎散俱可服又
當服大連翹湯以解之如心悶煩躁發熱及木小
便澀口舌生瘡者通關散主之水痘夾黑出來黑

水流或手足冷者前胡甘草生地玄參連翹茯苓木
通蟬蛻麥門冬川芎陳皮當歸生薑水煎服
麥湯散 治水痘

地骨皮

滑石

甘草各半

甜葶藶

麻黃

大黃

知母

羌活

人參各壹錢

右剉散水一盞每服二三錢小麥七粒煎六分不
拘時溫服分二貼

麥煎散 治小兒夾驚傷寒吐逆壯熱表裏不解氣
麤喘急面赤自汗或狂語驚叫或不語無汗及癰

疹遍身赤癢往來潮熱時行麻疹疹子餘毒未盡
渾身浮腫痰涎咳嗽或變急慢驚風手足搐搦眼
目上視及傷風頭疼並治之

滑石

地骨皮

赤芍藥

石膏

白茯苓

杏仁

知母

甘草

葶藶子炒

人參

麻黃壹兩半

右為末每服一錢麥子煎湯下如初生芽兒感冒
風冷鼻塞身熱噴嚏多啼每字用麥子煎湯調
下一方去地骨皮滑石加羌活川芎薄荷煎湯調

下

羌活散 初熱

大連翹湯 便閉

消毒飲 即牛蒡荆芥甘草三味

通關散 便閉

按水痘今小兒患之者大率無害如無內證不必服藥無事生事也前後四方不為輕劑非熱甚不解一便秘澀煩悶不寧不宜輕服

麻疹

麻疹浮小而有頭粒隨出即收不結膿疱北人謂之糠瘡南人謂之麩瘡吳人謂之痧越人謂之瘡古所謂麻聞人氏所謂膚疹是也與前所謂脾為疹者不同小兒有出一二次者出輕而日數少者名奶疹子出稍重而日數稍多者名正疹子又出於痘前者名奶疹子出於痘後者名正疹子初出亦與痘瘡相似但痘發於臟麻發於腑臟屬陰其病本深故難出難收而藥於溫平為宜腑屬陽其病本淺故易出易收而藥於清涼為宜 萬氏云痘大而焮腫者少陽三

麻疹

刀科六

百四二

焦火也陽道常饒故大而腫疹小而碎者少陰心火也陰道常乏故小而密三焦水穀之道路脾胃主納水穀治痘專以脾胃為主心肺屬陽而位乎上心火旺則肺受之治疹專以肺為主觀其咳嗽者火炎則肺葉焦舉也鼻流清涕者鼻為肺之竅以火爍金而液自流也目中淚出肺熱則移於肝肝之竅在目也或手搯眉目唇鼻及面者肺熱證也按既是心火刑肺金即是賊邪其證當重何反輕於痘余每治麻疹但據見證以瀉白散加減大劑投之即至危困之證無不愈者其他時師用苦寒降火辛溫發表而臨

於危亡者不可勝數安在其為心火刑肺也春溫夏暑秋清冬寒此四時之正氣也冬應寒而反溫陽氣暴泄火令早行人感之者至於來春必發瘡疥未出痘疹者必感而出雖曰胎毒未不由天行者故一時傳染大小相似但見疹痘之出即宜先服三豆湯代天宣化丸二方俱見前預防以預解之麻疹初出全類傷風發熱咳嗽鼻塞面腫涕唾稠粘全是肺經之證有未傳泄利者有一起即兼泄利者肺與大腸相表裏表裏俱病也惟不可觸冒風寒及於正蒸熱時噉食能變輕為重不可不慎麻疹形證亦同有如

麻疹

初起

二豆

發風癩疥瘡擁起如雲頭色赤成癩隨見隨沒者有
如粟米頭粒三番俱見而不沒至三日後方收漸沒
者然皆謂之麻疹其於欲出未出之際當用發表之
藥發之則易出易愈也 麻疹有發熱至十餘日始
見者大抵主在發散肺經之熱毒者始事也調理補
養病後之元氣者終事也其間或兼風或兼痰或傷
食竝隨宜加對證之藥其有變證卽隨病用對證之
藥要不亂投湯劑則兒無事矣 疹喜清涼痘喜溫
煖此法人皆知之然疹子初出亦須和煖則易出所
以發苗之初只要發出得盡則毒便解非若痘必苗

而秀秀而實而後毒解也痘子成實之時若大溫熱
則反潰爛不收是痘之後亦喜清涼也故治痘疹者
無過熱無過寒溫涼適宜陰陽自和是爲得之
初熱痘疹發熱之初多似傷寒惟麻疹則咳嗽噴嚏
鼻流清涕眼胞腫其淚汪汪面浮腮赤或嘔惡或泄
利或手搯眉目鼻面此爲異耳輕者以瀉白散合三
味消毒散主之重者以釜沸草散主之兼泄利者合
升麻葛根湯以白芷代葛根此余創立治法用之無
不効者卽十分危證守而勿失終於必濟每見諸書
所定方類皆苦寒辛涼發表之劑不盡對證對經恐

有誅罰無過之失用者詳之。大抵疹欲出已出之際雖寒勿用桂枝。雖虛勿用參朮。雖嘔而有痰勿用半夏南星。大忌認作傷寒妄汗妄下。汗之則增其熱。為鼻衄為欬血為口瘡咽痛為目赤痛為煩躁為大小便不通下之則虛其裏為滑泄為滯下。多至不救。慎之慎之。萬如手足稍微冷惡寒而無汗面色青慘而不舒左額有青紋者傷寒之熱也。手足稍微溫發熱有汗面赤而光者傷風之熱也。並宜惺惺散。痘初發散之。目胞腫而右頰有青筋發熱而頭額腹肚最甚或兼嘔吐腹疼者傷食之熱也。備急丸。痘初

下之面色青紅額正中有紋手掌心有汗時作驚惕手絡脉微動而發熱者此驚熱也。瀉青丸。肝牛黃清心丸。痘煩躁。主之身熱而倍能食唇紅頰赤大小便秘脇下汗者此風熱也。宣風散主之。痘發熱。已上諸熱久而不去內外感發則所蘊瘡疹之毒亦能乘間而出矣。疹子只怕不能得出若出盡則便毒解故治疹子者發熱之時當察時令寒暄以藥發之。如時太寒以桂枝葛根湯發之。太熱以升麻葛根湯。俱痘初熱。合入參白虎湯發之。痘渴。不寒不熱以荆防敗毒散發之。痘初如盡。如兼疫癘之氣以人參敗毒散發之。痘初如盡

疹初熱
痘初熱

一劑不出再作本湯發之外用胡荽酒見形以芋麻
醱酒遍身憂之務令亟出如三四作更不出加腹中
脹痛氣上喘促昏悶譫妄者必死證也
瀉白消毒散

桑白皮

地骨皮二味自採鮮者各叁錢

牛蒡子炒研

荊芥穗各壹錢半 桔梗

甘草各壹錢

浮萍曬乾貳錢

右為麤末每服三五錢水一盞煎六分瀉清服
加味金沸草散

旋復花去梗

麻黃去節水者煮去沫曬乾 前胡去蘆各壹錢

荊芥穗壹兩

甘草炙

半夏湯泡七次薑汁拌炒

赤芍藥各伍錢

鼠粘子炒

浮萍各壹錢

右為末每服三錢生薑三片薄荷葉三五片煎

防風解毒湯如溫煖之時以此藥發之

防風

薄荷

荊芥

石膏

知母

桔梗

甘草

牛蒡子

連翹

木通

枳殼

淡竹葉

黃連解毒湯如暄熱之時以此藥發之

防風

黃芩

黃連

荆芥穗

黃蘗 酒炒

玄參

木通

知母

梔子仁

甘草

石膏

大青

桔梗

桂枝解毒湯

如太寒之時以此
辛溫熱之藥發之

桂枝

防風

甘草

川芎

麻黃 酒炒

荆芥

桔梗

牛蒡子

赤芍藥

羌活

人參

生薑

升麻解毒湯

如時煖時寒以此
辛平之藥發之

升麻

人參

牛蒡子

羌活

連翹

乾葛

柴胡

桔梗

赤芍藥

甘草

荆芥穗

前胡

防風

淡竹葉

右方雖曰因時制宜亦不可拘泥如冬月亦有不
宜麻桂而宜石膏者正當以脉證為主耳若株守
而不知通變必有失不如用首二方之為妥當也
發熱六七日以後明是疹子却不見出此皮膚堅厚
滕理閉密又或為風寒襲之曾有吐利乃伏也急用

麻疹 不手 紅赤六 百至
托裏發表之劑麻黃湯調檉葉散發之外用胡荽酒
見形 醮麻刮之如一向未更衣者毒甚於裏伏而不
出也以七物升麻丸解之發之解之再不出者死證
也

麻黃湯

麻黃去根節 升麻

升麻

牛蒡子炒

蟬殼洗淨去足翅

甘草各壹錢

甘草各壹錢

煩渴

加石膏末肆錢

右剉細加臘茶葉一錢水一盞煎七分去渣服
檉葉散

檉亦名西河柳亦名垂絲柳青茂時採葉曬乾爲

朱每服一二錢茅根煎湯調下

疹子初發熱時未見出現咳嗽百十聲不止上氣喘
急面浮目胞腫宜甘桔湯消毒散瀉白散三方合用
內桑白皮採鮮者多用熱盛煩渴加石膏末知母黃
芩天花粉

疹子發熱或自汗出或鼻衄者不須止之亦發散之
義汗則毒從汗散衄則毒從衄解但不可太過如汗
太多人參白虎湯痘渴合黃連解毒湯痘煩或黃連
湯主之衄太多玄參地黃湯失血茅花湯主之

麻疹初起

刀針

百至

黃連湯

黃連

麥門冬

當歸

黃檗

黃芩

生地黃

黃耆

水煎去渣調敗蒲扇灰服之

茅花湯

茅花

真鬱金

生地黃

疳子仁

黃芩

水煎調百草霜服

疹子發熱吐利乃火邪內迫純是熱證不可作寒論

上焦多吐宜黃芩湯

痘泄利

加茅根蘆根枇杷葉

下焦多利宜黃芩湯送下

香連丸

泄瀉

中焦吐利

俱多宜黃芩湯多加蘆根茅根煎調六一散

痘初熱

自利甚則裏急後重而為滯下宜加味黃芩湯調六一散

一散太抵疹家吐利滯下宜於疹家求之不可作

吐利滯下而治

加味黃芩湯

黃連

黃芩

各壹錢半

白芍藥

參錢

甘草

柒分

滑石末

錢參

水煎服

若滑石不煎調服止於壹錢

血痢加

蘇大

初

百

地榆貳錢
銅壁山人黃芩湯

黃芩

黃連

赤芍藥

生地黄

木通

枳殼

甘草

當歸稍

人參

水煎去渣調天水散服之。初加酒大黃微利之。疹出之時咽喉腫痛者乃毒火上熏而然勿作喉痺治法妄用鍼刺喉痺內作癰腫故宜決去惡血痘疹只是咽乾作痛宜甘桔湯加玄參牛蒡連翹或射干鼠粘子湯細細嚥之錢氏甘露飲子俱咽亦可外用

十全散玉鎖匙點之
十全散

黃連

黃芩

黃蘗各壹錢

苦參

孩兒茶

雄黃各伍分

硼砂

玄明粉各叁分

乳香壹分

片腦少許臨時入

共為極細末每用五釐吹之

疹子渴喜飲水純是火邪肺焦胃乾心火內亢故也初發熱渴者前發散藥中多加石膏天花粉或葛根麥門冬散疹子出見渴者人參白虎湯痘渴加

疹子

初發

痘

天花粉麥門冬湯甚者白虎湯合黃連解毒湯主之
葛根麥門冬散

乾葛 麥門冬各壹錢 石膏

升麻 赤芍藥 甘草

茯苓 人參各伍分

右剉細加淡竹葉七片水三盞煎七分去渣溫服

白虎合解毒湯

石膏研麤末 知母 天花粉

黃芩 黃連 山梔仁各壹錢

生地黄 麥門冬各貳錢

入淡竹葉十片水二鍾煎一鍾更磨入犀角汁素

湯水則與之 覺胃熱渴甚宜以此方多與之胃

清乃止庶免牙疳之害直至疳成而後清胃涼血

解毒徃徃噉膚無及慈親仁人宜早為之所毋事

姑息

見形痘瘡貴三四次出謂出勻麻疹貴一齊湧出謂

出盡麻疹只要得出便輕減以火照之遍身如塗朱

之狀此將出之狀出形細密與痘瘡密者相似但疹

子隨出隨沒非若痘子之以漸長大也出形鮮紅與

楊寒發癩相似但疹子粒粒成瘡非若癩之皮紅成

麻疹見形

疥如蚊蚤之迹也

疹痘之色不可同論大抵痘子怕太紅皮嫩易破必生瘙癢疹子喜通紅疹發於心紅者火之正色也若色淡白者心血不足養血化癍湯主之色太紅殷或微紫者血熱也或出太甚者並宜大青湯主之黑者死證也

養血化癍湯

當歸身

生地黃

紅花

蟬蛻

人參各等分

右剉細水一盞生薑一片煎六分去渣溫服無時

大青湯

大青

玄參

生地黃

石膏

知母

木通

甘草

地骨皮

荆芥穗各等分

右剉細水一盞淡竹葉十二片煎七分去渣溫服疹子出沒常以六時為準假如子後出者午時即收午後出者子時即收乃陽生陰成陰生陽成造化自然之數也凡此旋出旋收者輕若一出連綿三四日不收者乃陽毒太甚宜大青湯解之逡巡不出者乃風外束皮膚閉密也宜荆防敗毒散主之

疥如蚊蚤之迹也

大青湯

大青

玄參

生地黃

石膏

知母

木通

甘草

地骨皮

荆芥穗

水通

紅花

人參

蟬蛻

生薑

竹葉

淡竹

煎

去

渣

溫

服

無

時

收

化

自

乃

宜

大

青

湯

解

之

遠

巡

不

出

者

乃

宜

荆

防

敗

毒

散

主

之

疹

夾

疹非熱不出疹子欲出則遍身發熱或煩躁或頭眩或身拘急及既出則身便涼諸病悉解此一層疹子隨收矣如疹子既出熱甚不減此毒壅遏宜大青湯解其表便澀者以黃連解毒湯痘煩合白虎湯發熱解其裏大便不通者四順清涼飲主之發熱加味地骨皮散治疹出發熱不退飲食不進

地骨皮鮮者 參錢

桑白皮鮮者 貳錢

麥門冬貳錢

銀柴胡

赤芍藥

乾葛各壹錢

甘草

生犀屑各伍分

水煎調大小無比散五七分方見痘初熱亦治喘急不

止

凡疹子只要出得盡則毒邪解散正氣和平如拂拂發熱煩悶不寧如蛇在灰如蚓在塵之狀或嘔吐或注洩此毒邪壅遏尚未出盡煩熱者黃連解毒湯煩躁嘔洩者柴胡橘皮湯並外用胡荽酒見形以苧麻蘸酒遍身摩之待疹子出盡則煩熱自去嘔洩自止矣俱可用大小無比散兼服

柴胡橘皮湯

柴胡

橘皮

黃芩

半夏

人參

白茯苓

各等分

右剉細加竹茹一團生薑三片水一盞煎七分去
查溫服不拘時

疹子欲出未出之時宜早發散以解其毒則無餘災
若不預解使之盡出以致毒畜於中或為壯熱日久
枯痺或成驚癇或為瀉痢或欬血喘促或作疔腫而
死此雖一時戾氣之染未不由於人事之未盡者
收後疹子收後身有微熱者此虛熱也不須施治待
氣血和暢自然退去若熱太甚或日久不減以柴胡
麥門冬散甚則以黃連解毒湯煩躁合人參白虎湯
痘渴與前方相間服之如髮枯毛豎肉消骨空漸漸

羸瘦者柴胡四物湯主之

疹子初起多瀉不妨惟愈後最忌重熱此不可不調
治者蓋疹子發熱多至十一二日少亦不下五七日
熱久元氣虛矣加之疹出飲食不進而復重熱陰陽
耗竭不死何待故再熱者必大補氣血可也余見忽
以為常而死者屢矣

柴胡麥門冬散

柴胡 伍分

甘草 貳分

龍膽草 叁分

人參

麥門冬 捌分

玄參 各半錢

右剉細水煎服

疹子收後

方六

百九

柴胡四物湯

柴胡

人參

黃芩

當歸身

川芎

生地黃

白芍藥

地骨皮

知母

麥門冬

淡竹葉

右剉細水一盞煎七分去渣溫服不拘時

疹後熱不除忽作搐者不可與急驚風同論用導赤

散心加入參麥門冬送服安神丸痘證小便清者可

治短少者不可治

凡疹後牙齦黑爛肉腐血出臭息衝入者曰走馬疳

馬鳴散主之

痘餘毒

若面頰浮腫環口青黑頰漏齒脫

唇崩鼻壞者死證也如唇白多瘡其聲啞啞者曰狐

惑以化蠱丸主之痘餘毒更煩躁昏悶失聲者死證也

文蛤散 麻毒入胃牙肉黑爛出血走馬疳證

雄黃

伍錢

五倍子

貳錢

枯礬

伍分

蠶退紙

燒存性壹錢

右細末米泔水洗淨以藥搽之

雄黃散

治同上

雄黃

壹錢

黃藥

貳錢

麝香

壹分

先用艾湯淨洗後搽藥

疥疹

切月六

百五

疹退之後微微咳嗽者此餘毒未盡也瀉白散合消
毒散主之若咳甚氣喘連聲不住甚至飲食湯水俱
噎出者此熱毒乘肺而然也宜門冬清肺湯加枇杷
葉見血加茅根汁阿膠珠主之但見胸高如龜殼肩
聳而喘血出口鼻擗手搖頭面色或青或赤或白而
枯者皆不可治也

門冬清肺湯

天門冬 去心

麥門冬 去心

知母

貝母

桔梗

款冬花

甘草

牛蒡子

杏仁 去皮
尖研

馬兜苓

桑白皮

地骨皮 各等分

右剉細水一盞煎七分去渣食後溫服

疹出之時曾作泄利未經清解至疹退之後變為休
息痢不問赤白裏急後重日夜無度此餘毒在大腸
也以黃芩湯送下香連丸虛者加人參滑者加椿根
白皮俱於丸藥內加之勿入煎藥
疹子既收其毒不解邪火拂鬱渾身發熱晝夜不退
髮枯膚痒漸成疔瘰以清熱除疔丸主之若不早治
以致睡則揚睛口鼻氣冷手足厥逆微微瘰癧變為
慢風不救者多矣

承
救後

刀
寸六

百
六

清熱除疳丸

黃連

當歸 各貳錢

龍膽草

青皮

陳皮

蘆薈 各壹錢

川芎

乾蟾頭 燒各壹錢

史君子 壹錢

共為末神麩糊為丸米湯下

如渾身壯熱未至羸瘦但多搐掣煩躁不寧此熱在心脾二經也以當歸養血湯黃連安神丸間而服之

當歸養血湯

當歸

川芎

生地黃

麥門冬 去心

木通

甘草

淡竹葉

山梔仁

燈心

便秘少加大黃

黃連安神丸

黃連

當歸

龍膽草 各貳錢

石菖蒲

茯神 各壹錢

全蠍 未箇

共為細末湯浸蒸餅杵豬心血丸硃砂為衣燈草

湯下

幾見疹子收完之後出入動止如常忽然心腹絞痛而死者還是元氣虛弱曾受疫癘之氣外雖無病裏實虧損所以一發而死也謂之中惡間有用人參湯

研蘇合香丸而甦者

禁忌 疹家禁忌比痘家禁忌尤甚若快食雞魚則終身但遇天行之時又令重出也鹽醋食之令咳不止五辛食之令生驚熱所以通禁必待四十九日之後方無禁也 太熱未退不可與食與傷寒同 下發之時既表之後切戒風寒冷水瓜果之類如一犯之則皮毛閉塞毒氣難泄遂變紫黑而死矣如極渴欲水只宜少與葱白以滋其渴耳必須使皮竅中常微汗潤澤可也又忌梅桃魚蜂蜜香鮮之物恐惹疔蟲

上行

六卷畢

